

Athör ë rou cì Paulo gät kəc gen Korinth

Wët nom

Athör ë rou tënë kəc cì gam gen Korinth, ee gët Paulo wäär cì wël wääc kam akut kəc cì gam kek ye. Kəc kők kam akut kəc cì gam yic aake ye Paulo lëk guöp wël rəc apei. Ku acì Paulo nyuöth ke lön wic yen ye bi ben döör ke ke, ku acì puöu miet apei wën cì yen rot looi.

Abañ tueñ athöör yic, Paulo ë jam ciɛɲde kek akut kəc cì gam gen Korinth. Ku tèt ke kën gët yen athöör wäär ke tuc puöu apei. Ku lëk ke miet ë piände rin pël ë wët piny, ku döör kamken cì wël cì lëk ke athör kënë yic cəl aloi rot. Ku jəl lëk akut kəc cì gam bïk kəc n̄ɲ cì gam pan Judia aa kony ë puöu ëbën. Ku wën jəl wël wicke bi ke lueel thök, Paulo acì rot bën kony tënë kəc kők Korinth ye lueel lön kek atuuc ayic, ku lön cïi Paulo ye atuny la cök.

Käk tö thïn

Wët Nom	1:1-11
Paulo ku akuut kəc cì gam gen Korinth.....	1:12-7:16
Kuɔɔny rin kəc cì gam Judia.....	8:1-9:15
Paulo ë rot kony lön ë yen atuuc ayic	10:1-13:10
Thök ë wël.....	13:11-13

1 Athör kënë abö tënë Paulo, atuny Jethu Kritho ë wët wic Nhialic, ku wämääthda Timothy ku tënë akut kəc cì gam gen Korinth, ku tënë kəc kők ë Nhialic ëbën rëer pan Akaya.

²Bi Nhialic Wäda ku Bëny Jethu Kritho we yiëk dhëñ ku döör.

Paulo ee Nhialic leec

³Lecku Nhialic Wun Bányda Jethu Kritho. Yen ë Wädan lir puöu tënë yo ku yen ë yo dæet puöth käreç yiic akölaköl. ⁴Ee yo dæet puöth käreç yo yök yiic, rin buk lëu aya buk kəc kők aa dæet puöth kåracken yiic. Aayeku ke dæet puöth cīt tē ye Nhialic yo dæet puöth thïn. ⁵Ku cīt lön

ye yok gum aya rin wët Raan cì lɔc ku dɔc, yen ë tède aya, Nhialic ë yo deet puòth kajuëc ril yiic apeì akòlakòl. ⁶Na guumku, ke rin bì we deet puòth ku luäk we, na deet yopuòth ke rin bì we deet puòth, ku gëm we riel ye wek gum cimèn tè ye yok kån guööm thin aya. ⁷Wek aa ñòthku apeì, rin añicku lɔn guum wek cimènda, këya yok aabì deet puòu rɔm yodhie.

⁸Miëthakäi, awicku bæk käreec cì yo yok wäär rëer yok pan Athia ñic. Käreec ke cuk yok aake dît apeì ciët ke cuk bì lëu buk ke guum, yok aa yo cì yonhiim ñieec wei ë piërda. ⁹Acuk yok lɔn cît yok kɔc cì tèm thou. Ku kënë acì rot looi bì nyuòth yo lɔn acie rielda yen ñòthku, ee riel Nhialic raan kɔc cì thou jɔt. ¹⁰Acì yo puòt bei kæk ke duër yo nõk yiic, ku abì yo kony. Ku añòthku lɔn bì yen yo ben kuöny bei, ¹¹cimèn cì wek yo kony ë rökckun. Këya, rök juëc bì looi ë rienkua aabì Nhialic dhuk nhiiim ku dɔc yo, ku kɔc juëc aabì Nhialic leec rin kèpuòth cì looi tènë yo.

Paulo acì kényde waar yic

¹²Añicku yopuòth kuat kæk yeku ke looi pinynhom ë tèn aa yeku ke looi puñ yer cì Nhialic gäm yo. Ku ë yen kënë yo cɔl añic rëer kek we. Ku yen aloiku dhëëñ ë Nhialic, acie ñiëëc kañ tó ke raan. ¹³⁻¹⁴Wek aa ya gät kæk lëukë bæk ke kueen ku detkë keyiic. Ku na cɔk amèn cii wek wëlkä ye deet ëbën, ka ya ñòth lɔn ñot bì wek ke deet yiic ëbën, rin na ye akòl le Bänyda Jethu dhuk ke wek aabì nhiam rienkua cimèn bì yok nhiam ë we.

¹⁵Rin ñic yen ye lɔn bì wek wëlkië deet, aca guuir tuen ba la tènë we bæk dët ben yok. ¹⁶Rin ë ca guuir ba tëek tènë we tè le yen Mathedonia, ku tè le yen dhuk aya, ku bæk ya cɔl ala Judia. ¹⁷Wäär guuir yen kénydië këya, ye nyooth lɔn cii yen ye wïc ba dhiel looi? Të guuir yen kë wiëc ba looi cà ye yiëk yanhom? Tëdë ya ke guuir cimèn kɔc pinynhom ë tèn, kɔc ye lueel, “Yëë,” Ku gokë lueel, “Yei, yei,” Nyin yic kedhie? ¹⁸Cimèn ñic yok ye alanden lɔn Nhialic ë wëtde tiëñ nhom, kë ca thòn we ëcie “Yëë,” tédë ke ye “Yei.” ¹⁹Rin Wën Nhialic Jethu Kritho ye yok wëtde lëk we yok Thilath ku Timothï, ë këc bën ke ye puòu rou, ëcì bën ke ye puòu tók. ²⁰Na cɔk la kajuëc cì Nhialic thòn ka tók rin Raan cì lɔc ku dɔc, rin yen ë kæk cì Nhialic ke thòn tiëñ nhiiim. Ku ayeku lueel ë rienke, “Yenakan,” tè leec yok Nhialic. ²¹Ee Nhialic yen ë yo looi yodhie buk aa tók kek Raan cì lɔc ku dɔc. Acì yo dɔc, ²²ku yík yo künden ye yok kacke, ku tëëu Wëike yopuòth bì nyooth lɔn ye yok kacken bì kæk cì tóòu yok.

²³Na ye lueth yen luɛɛl, ke Nhialic abä tēm awuɔc. Wēt kɛc yen ben la Korinth ɛ rin cii yen ye wic ba we cɔl aben gum. ²⁴Acuk wic buk we mac kɛ bāk gam. Aɲicku lɔn wek aa ril ɛ gamdun yic. Wek aa konyku ke rin miet ɛ piändun.

2 Këya, aca ben tak ba cii bö tənə we rin bi ciən kərəec dēt ben rot looi. ²Rin na cal we aa riääk puõth, ka cin raan dēt ci döŋ bi yen cɔl amit puõu, rin aa wek aca rac puõth. ³Ku cit lɔn yen tənə ci yen we gät athöör thin, yen aciï bi bën, rin aya yök ke ya bi riääk ɛ puõu yök, tɛ ya tak ke ya bi kɛ cɔl ya amit puõu yök thin. Ee njec alanden, kɛ bā cɔl amit puõu abi we cɔl amit puõth aya. ⁴Wäär gët yen we athöör, yen a ya rem puõu apei aba ya dhiau, ku kën luɔi acie lɔn bi yen we rac puõth, ee rin bāk tɛ nhieer yen we thin apei njic.

Pël wēt piny tənə raan cä awuɔc looi

⁵Na ci raan awuɔc looi tənə raan dēt, ka kɛc looi tənə yen ɛ rot, ee tənə we rin acit kɛ ci looi tənə we cɔk cii ye we ebën. (Aluɛɛl kälä rin acä wic ba jam ɛ wēt kënë yic apei.) ⁶Ee tɛde yen tɛ ci kɔc juɛc kamkun raan kënë wëët thin. ⁷Ëmën këya, wek aa dhil wēt päl piny tənə ye ku dɛatkɛ puõu rin bi puõu cii pɛk wei bi jäl ɛ gam yic. ⁸Këya, wek aa yöök bāk cɔl aɲic lɔn nhieer wek ye. ⁹Wek aaca gät athör kënë rin ɛ wiɛc ba njic lɔn ye wek wëlkiën ca lɛk we gam ebën. ¹⁰Na le raan tönj pël wek wēt piny tənə ye, ke yen apël wēt piny tənə ye aya, tɛ le yen awuɔc ci looi dhiel päl piny tənə ye ayic. Aya looi ɛ rienkun ke Raan ci lɔc ku dɔc daai kɛ tɔ yapuõu. ¹¹Yen ɛ kënë looi rin bi Bëny jakrec riel cii yök bi luɔida rac, rin tɛden yen luui thin aɲicku apei.

Diɛr ɛ Paulo gen Troath

¹²Wäär yëët yen gen Troath ba Wēt Puõth Yam ɛ Raan ci lɔc ku dɔc bën lɛk kɔc, ke yök lɔn ci Bëny Jethu dhël ɛ luui ŋaany thok. ¹³Ku yen ɛ ya ci diɛr apei rin kɛc yen wämääth Tito yök. Guɔ kɔc tɔöŋ ku bar Mathedonia.

Riel ye yök tənə Raan ci lɔc ku dɔc

¹⁴Lecku Nhialic! Ee yook wat nhïim akölaköl buk tiam rin Raan ci lɔc ku dɔc. Nhialic ɛ yo luï bi njëɛc rin Raan ci lɔc ku dɔc piny thönj yic ebën cimën miök njir apei. ¹⁵Rin yok aa cit adöŋ njir mit ye Raan ci lɔc ku dɔc gam Nhialic, adöŋ njir ɛ thiï piny kam kɔc luëk Nhialic, ku kɔc mär. ¹⁶Tənə kɔc kök ɛ ŋuac rɛec ɛ thou bëï, ku tənə kɔc kök

ë ñuác mit ë pír bëëi. Yeña lëk ye bí kënë looi? ¹⁷Yok aacií cít kác juéc kók wët ë Nhialic looi bí kek aa la lim. Yok aa wët ë yic lueel ë Nhialic nom, rin yok aa kác Raan cí lác ku dác, ku ë Nhialic yen aci yo tooc.

Kác lui ë Döör Yam

3 Yakë tak lón yok aa ben röt lëk we? Acie tède. Kác kók athör lööm tënë we bí kek röt la nyuóth kác kók, ku kác kók aa athör bëëi tënë kác kók bí kek röt bën nyuóth we. Ku yok acie wic athör cít kákkä. ²Aa wek athördan yeku muk, cí gót yopuóth bí raan ëbën ñic ku kueen. ³Wek aa cít athör bö tënë Raan cí lác ku dác. Akéc Raan cí lác ku dác gót galam, aci gót Wëi ë Nhialic pír. Akéc gót aleel pat yiic kóth, aci gót yopuóth.

⁴Alëuku buk kákkä lueel ke yo ñic Raan cí lác ku dác ë Nhialic nom. ⁵Acä lëu ba lueel lón yok aa la rielda ë röt ye yok Nhialic luóöi. Riel ye yok ye luóöi ayeku yök tënë ye. ⁶Yen aci yo yiék riel ye yok kác lui rin döör ë yam kek ye, döör ë Wëi cíi cít lónj cí gót. Lónj cí gót ee thou bëëi tënë kác, ku Wëi ë pír bëëi.

⁷Lónj éci gót aleel pat yiic kóth, ku diik Nhialic éci rot nyuóth wäär gem ye. Na cók a wäär cí ruel Nhialic yen cí Mothith paat piny bën jál amääth, ke ñot ril apeí bí kác Itharel cíi lëu bík Mothith döt. Këya, na ye lónj thou bëëi, tënë kác yen luui kác yen bën kek diikdüt cít kënë, ⁸ke diik luwi Wëi cíi bí düt apeí! ⁹Na ye lónj döör theer kác cöl atëm awuóc la diik, ke ye diikdüt yindë bí lónj döör yam kác cöl aala cök tënë Nhialic bëëi! ¹⁰Ee yic, lónj döör theer acín kèpuóth bí ye thóöñ kek lónj döör yam. ¹¹Na ye lónj döör theer cí guó bën liu la diik, ke ye diikdüt yindë bí döör yam cíi bí kañ liu bëëi!

¹²Yok aa cie rióóc tē jicem yok rin le yok ñóth lónj döör yam la diikdüt akölriécëc ëbën ¹³Yok aacií cít Mothith wäär yenyin kum bí kác Itharel diik Nhialic cíi ñic tē jiël yen thín amääth. ¹⁴Keek aake cí muór puóth. Agut cít ëmën kën ke cöl aacií kån ñic añoot tē kueen kek athör lónj theer, kën ke muór puóth añot tō thín. Ku aye nyaai tē mēt raan rot Raan cí lác ku dác. ¹⁵Agut cít ëmën gët yen athör, tē kueen kek lónj Mothith, kën ke muór puóth bík kån cíi ñic añoot thín. ¹⁶Ku kënë aye nyaai tē mēt raan rot Bëny. ¹⁷Ku Bëny ye lueel ë wëlkä yiic ë Wëi. Ku tē rëer Wëi Bëny thín, láäu nom ë tō thín. ¹⁸Diik Nhialic ayeku nyuóth rin cín yen kën yo muór puóth. Ku Wëi Bëny ë yo looi ëbën buk ciët ye, ku diékde ë rot juak, kënë ë luwi Wëi ë Bëny.

3:3 B.bei 24:12; Jer 31:33; Edhe 11:19; 36:26 3:6 Jer 31:31 3:7 B.bei 34:29 3:13 B.bei 34:33
3:16 B.bei 34:34

Riel Nhialic gupkuan cīt tōny cī cuëec tiəp

4 Këya, yok aacie dhör ë luçi kënë rin ë Nhialic yen agëm ye yo ë lier piände. ²Yok aaci kuc buk käk ye moony ku käk kəc rac gup cii ye lueel. Ee yic yen ayeku lueel kəc nhiim. Ku yen aye kek ye njic kepuöth ëbën, yeku kəc yindë ë Nhialic nhom. ³Na cii kəc kök Wët Puöth Yam yeku lëk kəc ye deet yic, ka kəc cī puöth määar kek aacie ye ye deet yic. ⁴Jəŋrac mac kəc piny kënë ya aköl aci kəc kəc gam muör puöth, ku bik ruel ë bën tënë Wët Puöth Yam cii ye tiŋ, wët yam diik Raan cī ləc ku dəc yen cīt Nhialic guöp. ⁵Yok aacii kəc ye lëk rin bi yok röt lueel, yok aa kəc lëk rin Jethu Kritho ke ye Bëny. Ku yook ke yo ye aloony tënë we rin Jethu. ⁶Nhialic yen luel ye athör theer yic ëlä, “Cəl ruel aruel muöth yic.” Yen ë Nhialic tööŋ cəl ruel njieëc kaŋ aruel yopuöth bi yo nyuöth diik Nhialic ë ruel Raan cī ləc ku dəc nyin.

⁷Ku yok kəc la këpuöth diit kënë, yok aa cīt tööny cī cuëec ë tiəp. Ku ë rot looi këya bi nyuöth lən rieldit apei ë bën tënë Nhialic, acie yo. ⁸Yok aa käk jör yo yök ku aacie yo ye rac. Na cəkku kë loiku kuc, ke yok aacie dhör. ⁹Yok aaye cəl agum, ku yok aa kəc Nhialic päl wei. Yok aaci nök buk la naŋ piiny, ku yok aa kəc thou. ¹⁰Kuat tē yeku tēek ëbën yok aa ciët kəc bi nök cimen Jethu. Këya alëu kəc kök bik pīr Jethu tiŋ yogup. ¹¹Rin yok kəc pīr, yok aa rēer akölaköl yo cīt kəc bi thou rin Jethu, rin bi piërde tiŋ guöpdan bi thou yic. ¹²Këya, yok thou rin bi wek pīr.

¹³Acī göt athör theer wël Nhialic yic ëlä, “Yen ë jam rin cī yēn gam.” Ku rin le yok gam tōŋ thōŋ, yok aa jam aya rin cī yok gam. ¹⁴Rin aŋicku Nhialic yen jət Bëny Jethu bi ben pīr, abi yo jət kek Jethu aya, ku nyeei yo ku we bi yo yäth tē rēer yen thīn. ¹⁵Kënë aloi rot ëbën ë rienkun. Aloii rot rin bi dhëeŋ ë Nhialic yet tënë kəc juëc, rin bi kəc juëckä piath ë Nhialic njic, ku bik aa leec ku dorkë.

Pīr rin ë gam

¹⁶Ku rin ë wët kënë yok aacie puöth ë bath cək alən thöök rielda amäath-amäath, ke piäthkua aa ber piny akölaköl. ¹⁷Aterthii yeku ke yök emën, aa guir yook rin pīr akölrëec bi aterthii kuankä looi bik cii ye kəŋ acin. ¹⁸Rin yok aacie yopuöth ë tääu käk ye tiŋ yiic, yok aa yopuöth tääu käk cii ke ye tiŋ yiic. Rin käk ye tiŋ aa guo jal, ku käk cii ke ye tiŋ aa rēer thīn athëer.

5 Rin aŋicku lən guäpkua pinynhom ë tēn aa cīt duël ye yok rēer thīn kaam koor. Ku na la duël kënë riääk ke Nhialic abi yo yiëk yöt tēden rēer yen thīn, yōn kəc raan looi yecin. Yōn ë looi Nhialic nhom

guõp, cii bi kaŋ riääk. ²Cit emen reer yok yo dhiau, ayeku wic lon bi Nhialic yo gam gupkuan yam bö nhial. ³Ku rin cii yok bi ñõŋ è guõp, yok aabi gam guõp yam. ⁴Gupkuan reer ke yo pinyhom aacii bi reer thin atheer. Yok aa dhiau rin kajuéc buk guum. Ku acie lon wic yok ye buk thou ayic, kë wicku è lon bi Nhialic yo waar bi yo gam guõp è yam bi pir akölrüéc ebën. Këya, yok aa wic gupkuan pinyhom bi ke waar guõp bi reer thin atheer. ⁵Ee Nhialic yen aci yo guir rin awër kënë. Ku gem yo Wëike buk ñic lon bi yen ye looi.

⁶Këya, yok aa reer yo deet yopuõth akölaköl. Ku anjicku të reer yok è guõpdan kënë yic è pinyhom tèn, yok aa reer ke yo mec kek tèn bi yok reer thin kek Bëny. ⁷Yok aa pir è gam, acie kë yeku tiŋ. ⁸Yok aa reer yo deet yopuõth ku guirku röt apeï buk guõpdan pinyhom puõl rin bi yok la të reer Bëny thin. ⁹Adhilku looi buk Bëny cöl amit puõu piërda yic pinyhom è tèn, ku pirdan aköldä aya. ¹⁰Rin yok aabi dhiel kööc Raan ci lóc ku dóc nhom aköl è luk, bi ñek atëm awuõc, tëdè ke dóc rin kækken ci looi wäär piir yen pinyhom.

Nhialic è kóc cöl amääth kek ye rin Jethu

¹¹Cit lon ñic yok ye apeï yen të dhil yok riöcc thin è Bëny, yen aye yok kóc kök lëk bik kepuõth wël Bëny. Bëny anjic yo apeï, ku aya ñöõth lon piäthkun yiic wek aa ñic yo aya. ¹²Acie lon wic yok ye buk röt ben lëk we, wek aa wicku buk we nyuõth kë bi wek aa nhiam è yo, të reer wek kek kóc nhiam kæk ye tiŋ ku aa liu kepuõth. ¹³Na ye kóc kök yo tiŋ ke yo ci nhiim liäap, ke këda è röt kek Nhialic, na lok nhiim cök, ke këpiathdun. ¹⁴Käk yeku ke looi, aa yeku looi rin nhiër Raan ci lóc ku dóc. Ku emen anjicku lon ci raan tök thou rin kóc ebën. Ku këya, kóc ebën aa rom thuõnde. ¹⁵Acï thou rin kóc ebën. Këya, kóc pir aacii dhil pir rin bi kek puõth miet è röt, ku aabi pir rienke yen raan ci thou ku ben jöt pir è rienken.

¹⁶Ku emen le tueŋ yok aacii raan lëu buk ñic cit të ye tiëŋ ye. Ku na le kóc ke ñic Raan ci lóc ku dóc ke ye raan wäär reer pinyhom, ka cie tëde këya emen. ¹⁷Të ci raan rot mët Raan ci lóc ku dóc, ke yeen aci ya raan ci ben cak. Këtheer aci jäl ku kën yam aci bën. ¹⁸Kënë ee Nhialic yen aloi ye ebën. Acï yo döör kek ye rin Raan ci lóc ku dóc. Ku yik yo luoi buk kóc kök döör kek ye. ¹⁹Kë yeku lëk kóc, ee lon looi Nhialic kóc ebën bik döör kek ye rin Raan ci lóc ku dóc. Nhialic akëc awuõcc yekë ke looi kuëcc nhiim, ku aci yo gam luoi ye lueel të bi yok kóc ya döör thin.

²⁰Këya, yok aa tuc jam nyin Raan ci lóc ku dóc. Acit Nhialic guõp yen luel wëtde è thuõnda. Yok aa jam rin Raan ci lóc ku dóc, ku yok aa thiëc raan ebën. “Döörkë kek Nhialic.” ²¹Raan ci lóc ku dóc è cïn guõp

adumuööm. Ku aci Nhialic looi bi Jethu thou rin adumuöömkuu, rin te met yok rot kek ye, ke yok aabi ya koc la cok e Nhialic.

6 Luoida yic yodhie ke Nhialic, wek aa yookku, wek koc ci dheen Nhialic yok bak cii col adeer nomh piny e path.

²Rin aci Nhialic lueel, "Akol waar wic yen ye ba we kony, yen aci rookkun ben pin. Ku kol waar wic yen we ba we luok, wek aaca ben kony." Pierke, kene yen kol bi wek kuony Nhialic yok, kol yen kol bi we luok.

³Acuk wic bi la raan luiku ke jor ye kerieec eben yic, rin bi cien raan luel ye lon cii luoida path. ⁴Ke ya, ayeku nyuoth kerieec eben yeku looi yic lon ye yok koc lui rin e Nhialic, rin ye yok karec ku karil yo joor guum e path ke yo cii gup tuc. ⁵Yok aaci that, yok aaci mac ku jt koc juec man luoida aliaap nhial, ku yok aa yo ye luui apei ku cuk nin wakou ku nek cok yo. ⁶Ku yok aaci reer ke yo cin gup ajuhec yo lir gup, ke yo yer puoth, ku detku kan yiic. Ku Wei Nhialic aci reer kek yo ku niherda acin te diu thin, ⁷ee wet yic yen ayeku lek koc e riel Nhialic. Ku ke le yok cok Nhialic nomh yen e ton ye yok thor ku kony yok rot. ⁸Koc kok aa yo leec ku koc kok aa yo bui. Koc aa yo jaam gup ku koc kok aa yo niec jaam. Yok aaye yook lon ye yo alueth ku e yic yen ayeku lueel akolakol. ⁹Yok aaye ciene ci et yo cii nic ku yok aa nic apei, ayekel lueel lon thou yok, ku tiene, yok aa not yo pir. Aa yo ban apei ku aacie yo ye yet wei, ¹⁰Yok aa reer ke yo mit puoth akolakol agut kol guum yok thin. Na cok alon jooj yok ke yok aa koc juec looi bik jak, na cok alon cin yok kan, ke yok aa not yo la kerieec eben.

¹¹Maethkien gen Korinth! Wek aa cuk lek alanden yo laau puoth. ¹²Niherda tene we akec yit, aa wek aaci niherdun tene yo yit. ¹³Cit emen leeu yok puoth tene we, wek ayook ci et we ye miethkie, bak puoth laau aya.

Duk met kek koc kuc Nhialic

¹⁴Duokke rot mat kek koc kec wet Jethu gam. Yenjo koc la cok Nhialic nomh kek koc cii la cok mat? Yenjo ruel ku muoth col aaye tok? ¹⁵Le manh to kam Raan ci loc ku doc kek jorac? Yenjo rom koc Krithiaan kek koc cie Krithiaan? ¹⁶Yenjo luaj reer Nhialic thin col aram kek luaj koc ye ke jak ci kieth door thin? Yok aa luaj reer Nhialic thin. Cimem ci Nhialic ye lueel ela,

"Yen abi paandi elooi ke kackie
ku reer ke keek

ɣen abī ya Nhialicden
ku wek aabi ya kackië.”

¹⁷Ku lueel Bëny aya,
“Wek aa dhil jāl kam kɔc kɛc gam
ku tɛkkë we thook tënë keek.
Duökkë kē la guṓp acuɔl rin adumuṓm ye gɔɔt,
ku wek aaba gam.”

¹⁸“Yen abī ya wuurdun, ku wek aabi ya wätkië ku nyiërkië,” lueel
Bëny Madhɔl.

7 Mäthkië, Nhialic aci kakkä thɔn ëbën. Këya wuunyku ɣogup wei
käreɕ yeku looi, bi guäpkua ku wëikua yiic ciën ajuëc. Yok aa dhil
Nhialic theek ku themku buk pīr ë pīr la cök Nhialic nhom.

Akut kɔc ci gam ee Paulo cɔl amit puṓu

²Lääükë puṓth tënë ɣo. Acin raan tɔŋ cuk luṓi awuṓc, acin raan tɔŋ
cuk kum thok, ku acin raan tɔŋ ci ɣok kēde nyaai dhël ruëeny. ³Të jieem
ɣen kēlä ka cie wek nyiëeny, rin aca lueel wäthæer lɔn nhiërda tënë we
aacie yit ɣopuṓth. Alëuku buk pīir ku thouku kek we. ⁴Aya yök alëu ba
jam tënë we kecin kē muɔɔny, ɣen anhiam ë we, wek aa ɣen dæet puṓu
apei, cɔk alɔn le yen käreɕ ɣa yök, ke ɣen amit puṓu apeidit.

⁵Agut wäär cɔk ɣok ɣëet Mathedonia ɣok kɛc gup kaŋ la läŋ. Yok
aa ɣo ci rɔm kek ater juëc ku agɔth ke kɔc kök, ku riṓc ɣopuṓth. ⁶Ku
Nhialic yen kɔc ci puṓth mum dæet puṓth, aci ɣo bën dæet puṓth rin ci
yen Tito bën cɔl abṓ tënë ɣo. ⁷Acie bēnde yen ci ɣo bën cɔl amit puṓth ë
rot, tē ci wek ye dæet puṓu thīn aci ɣo yuum puṓth aya. Acī lëk ɣen lɔn
wīc wek ye apei ba we la neem, ku tē ci wek puṓth riëëk thīn rin kāk ci
röt looi tënë ɣa, ku lɔn wīc wek ye apei bāk ɣa kony. Këya, ëmën ɣen aci
puṓu miet apeidit.

⁸Yen acii rot gäk cɔk alɔn ci athör wäär ca gät we we cɔl arem puṓth,
ɣen aa ɣa ci rot gök tueŋ, rin ci athördië we reem puṓth, rin anjiec rëm
ë puṓu rin athör ca göt aci guɔ bën jāl wepuṓth. ⁹Ku ëmën ɣen amit
puṓu, ku acie rin ci ɣen we cɔl arem puṓth, ee rin ci arɛem ë puṓu we
cɔl adhuk wepuṓth ciëen. Arem ë puṓu aci rot looi ke cit kē wīc Nhialic.
Ku këya, acin kërɛɕ cuk looi tënë we. ¹⁰Rin arɛem puṓu ye Nhialic
bëi tënë we, ee we cɔl adhuk wepuṓth ciëen bi we lučk, ku acin agääk
rot ë tēen. Ku na ye we reem puṓth rin wīc wek ye bāk ke ya looi kāk
pinyinhom, ke arɛem puṓu kënë ë we cɔl aloi adumuṓm ku mër wëikun.
¹¹Tiëŋkë kënë wīc Nhialic arɛem ë piändun yic. Wek aci puṓth tīr. Acäk

wic bāk kāŋ cōk piny. Wek aaci puōth riāāk rin kēreec cī kuōc looi. Wek aaci ya riōōc ē Nhialic ku yakē wic apei ba la tēnē we. Ku dhielkē looi bāk raan cī kēriēec ēbēn looi tēm awuōc. Acāk nyuōoth lōn kēnē cāk looi kēriēec ēbēn yic ē ye tēde.

¹²Kēya, na cōk a wāār cī yēn ke athōr kēnē gōt, ka cie rin raan wāār cā awuōc looi ku acie rin akut cī luōi kērac, ee rin bāk tē ye wek diir thīn ē yēn nyuōoth Nhialic nom. ¹³Kēnē, yēn acōl yō adeet yopuōth.

Ku dēt aya, deet ē piānda, yōk aaci puōth bēn miet apei wāār piŋ yōk tē cī Tito puōu mit thīn, ku tē cī wek ēbēn ye bēn dhuōk puōu piny thīn. ¹⁴Wek aa we ca leec tēnē ye, ku wek aa kēc yēn cōl ayār guōp. Wek aa yeku lēk yith akōlakōl, ku yēn amit puōu rin lec wāār yēn we leec acī ya yic. ¹⁵Kēya, nhiērden nhiēer yēn we, ee rot juak apei tē tek yēn we tē ye wek ye thēek thīn ku piēŋkē wētde, ku tē cī wek ye luōr thīn abī we aa lath. ¹⁶Yēn amit puōu rin ŋōōth yēn we.

Ajuēr rin akut kōc cī gam Judia

8 Miēthakāi, awīcku bāk tē cī Nhialic dhēēŋde nyuōoth thīn tēnē akuut kōc cī gam Mathedonia ŋic. ²Cōk alōn cī kāreec apei ke yōk, ku wēn cōk kek aa kōc ŋōŋ aya, aake ye puōth miet apei tē miōōc kek. ³Alēu ba lēk we ayic lōn kek aake ye miōōc bik kākken lik mukē aa dhuōl wei. Ku ayekē looi piānden ē rōt. ⁴Ku keek aake ye yō lac thiēec lōn anhiarkē aya bik la kāk yekē ke gam tēnē kōc ē Nhialic Judia. ⁵Aaci rōt kaŋ gām Bēny Jethu tueŋ, ku jōl Nhialic ke cōl aa gēm rōt yō tēcīt tē wic ye. Ee cuk ye tak lōn bī kek kāk cīt kākka gam. ⁶Kēya, ku jōlku Tito raan wāār jōk ē luoi kēnē thiēec bī la tueŋ kek ye, ku kony we bāk luoidun path kēnē thāāp. ⁷Wek aa la gamdīt. Aŋiēckē apath yēn tē ye wek ye lēk kōc thīn. Wek aa la ŋiēēcdīt cī wek rōt gam puōu ēbēn, ku nhiarkē yō. Wek aa kāriēec ēbēn ŋiēc looi apath. Ku kēya, wek aa wīcku bāk miōcdun muk thīn.

⁸Acā ye lueel lōn dhil wek ye looi, ku awiēc ba nyooth tē nhiēer kōc kōk ye thīn bik kony. Kēya, awiēc ba ŋic tē ye nhiērdun yic thīn. ⁹Wek aa ŋic dhēēŋ Bānyda Jethu Krītho cōk alōn yēn ajak, ka cī bēn a raan ŋōŋ ē rienkun, ku bī ŋāāŋde ya kē yōk wek jīēek.

¹⁰Wētidiē, apath bāk kēwāār cāk jōk runwāār thāāp. Aa wek kōc tueŋ cī luoi kēnē jōk, ku acie jōk ē rot ē tō wepuōth bāk luoi kēya. ¹¹Ēmēn, thāāpkē luoi wāār cāk jōk. Luōikē kē nhiarkē wepuōth cīt tēwāār cāk guiēr ye kāk muōkkē ke ēmēn. ¹²Na wic ba miōōc, ke Nhialic agam kēdun ba gam kēdun tō thīn yic wic ba gam, ku acie kē liu thīn.

¹³Acā ye lueel lōn ye we jōt yiēth kāthiek rin bī kōc kōk kāpuōl muk. ¹⁴Kē luēel ē lōn na lak kājuēc ēmēn, ke we kony kōc cīn kāŋ rin na lek

käjuëc aköldä, ke ke kony we aya. Kälä, ke wek aabi röt kony wedhie ëbën. ¹⁵Cimën ye athör thëer wël Nhialic ye lueel ëlä rin miëth cï Nhialic gäm kœc Itharel wäär ror liëet, “Raan cï käjuëc kuany acin kæk cïi ben döñ piny, ku raan cï kæklik kuany aci ben la kæk wïc.”

Tito ku kœc kœk aaci tuœœ Korinth


¹⁶Yen alec Nhialic rin cï yen Tito cœl anhiar we bi we kony, nhiër thöñ ke nhiër nhiëer yen we. ¹⁷Rin yœk aaci Tito thiëec bi la tënë we, go gam. Ku ë wïc bi cak la aya ë rot. ¹⁸Ku yœk aa toc wämääth cï gam kek ye, raan theek akuut kœc cï gam ëbën, rin ë yen Wët Puœth Yam lœk kœc. ¹⁹Ku yeen aya ë raan cï akuut kœc cï gam kuany bi cath kek yœ të yëth yœk kuœnydan yeku looi bi Bëny nhom guœp leec, ku nyoothku të nhiërku luœi buk aa kony. ²⁰Acuk wïc bi la kœc jiëëm yœgup të ye yœk kæk cï juaarkä ñiœc luœi thïn. ²¹Awïcku bi ya kë la cœk yen yeku looi, ku acie Bëny nhom ë rot ee raan nhom ëbën.

²²Këya, yœk aa toc wämääth dët ke ke, wämääth cuk them arak juëc dhœl juëc ku acuk yœk ke ye raan nhiar kuœny. Ku cït ëmën ñic yen we apeï, anhiëer bi we kony aya apeï. ²³Tito ë raan ye yœk rœm ku alui kek yen bi we kony, ku miëthakäi cath ke ye, aa kœc tœ nyin akuut kœk, ku aa læc Raan cï læc ku dœc. ²⁴Nyuœthkë ke nhiërdun rin bi akuut kœc cï gam tiñ ku ñickë, kë ye yœk nhiam ë we.

Guiër kuœny tënë kœc cï gam Judia

9 Acä wïc ba gët tënë we rin kuœny bæk looi tënë kœc cï gam Judia. ²Rin anjïec atœ wepuœth bæk kony, ku wek aaca læc tënë kœc Mathedonia. “Aca lœk ke, Miëthakäi cï gam pan Akaya ë wïckë bik kuœny guœ jœk runwäär.” Ku luœidun nhiëer wek ye bæk kony, aci kœc juëc apeï kamken wel puœth thïn bik kony aya. ³Ëmën yen atoc miëthakäi cï gamkä rin bi læcdan ye yœk we læc cïi ye lueth. Ku cït lœn cï yen ye lueel, wek aabi yœk ke we cï kuœnydun guiir. ⁴Rin na le kœc Mathedonia la kek yen Korinth, ku yœkkë we ke we këc röt guiir, ke yœk aabi gup yär apeï të yœk kek kë ye yœk we læc ke këc rot looi, ku päl yär ë guœpdun ñic yœk we apeï. ⁵Këya, aca tak lœn puœth yen ba wämäthakua cœl aala tënë we yanhom tueñ, bik wëœu cæk lueel kañ kuœt yiic. Na jäl la ke yœk keek ke cæk mat yiic, ku abi rot nyooth lœn ë wiëckë bæk looi piäthkun ke cïi lœk we.

⁶Anjïeckë apeï lœn raan pur domdït ë rap juëc tem, ku raan pur domkœr acin rap juëc ye tem. ⁷Ñek adhil këden bi gam cï guiir yepuœu ëbën gam, ke cïi nhom thiek tädë ke mëc ye, rin Nhialic anhiar raan



Nhialic ë köth cöl alok bik ya miëth ye cam, abi kakkun juak yiic (9:10)

këde gam puöu ëbën. ⁸Ku alëu Nhialic bi gam käjuëc apeï, ku yin abi la käjuëc path ye yin kóc kony akölaköl.

⁹Cimën ye athör thæer wël Nhialic ye lueel ëlä,

“Acï kóc nõñ kony puöu ëbën, ku yeen abi rëer ke la cök akölrïëc.”

¹⁰Ku Nhialic ë köth cöl alok bik ya miëth ye cam abi kakkun juak yiic, ku abi we cöl aala cök apeï, bäk käjuëc ya gam tënë kóc wïc kuöony. ¹¹Abi Nhialic looi bäk jak apeï këriëc ëbën bäk aa abiökruel akölaköl. Ku kóc juëc aabi Nhialic leec të le yok kuöonydun cäk wïc puöu ëbën gäm ke. ¹²Të luui wek këlä, ka cie käk wïc kóc cï gam kek yakë ke lëu ë röt, wek aa kóc juëc cöl alec Nhialic. ¹³Ku rin luöidun puöth cï wek röt nyuöth, kóc juëc aabi Nhialic leec rin looi wek kä wïc Wët Puöth Yam Raan cï löc ku döc wäär cäk gam, ku ramkë ke ke ku raan ëbën. ¹⁴Ku rökken yiic ë rienkun aabi kepuöth wel rin dhëëndit cï Nhialic gäm we. ¹⁵Lecku Nhialic rin miöcdiit cïn kë thöñ kek cï gäm yo.

Paulo ë luöide kony lön puöth yen

10 Wek aläj ë puöu ëbën yen Paulo rin lier puöu Raan cï löc ku döc, cök alön ye kóc kök kamkun ye lueel lön ye yen riöc të rëm yen ke we, ku ya wël tuc lueel të mec yen. ²Wek aläj na la bën tënë we ke yen aciï bi ben jam wël tuc apeï tënë kóc kök kamkun, cit të ya tåk ye lön dhil yen ya tède, rin ye kóc kök ye lueel lön piïr yok pïr pinynhom tën. ³Ee yic yok aa kóc pïr pinynhom tën, ku yok aacie thör cit të ye kóc ë pinynhom thör thïn. ⁴Riel ye yok thör acie riëdan pinynhom, ee riëdit ye Nhialic yiëk yo yen aye yok käk bäany Nhialic gël nom göök. Yok aa luethken yekë ke lueel rac ëbën. ⁵Yok aa tëktëk kanhiaam cï wët Nhialic thany piny rac. Ku dömkü kuat tëktëk këne cimën raan ater dhie ye döm tøj yic, ku loiku bi Raan cï löc ku döc theek. ⁶Ku të tiñ yok ye

ka athëëkdun cïn yic diu, ke yok aabi kuat raan yeku yök ke dhäl wët Nhialic ë yic tëm awuöc.

⁷Wek aa käñ tiñ köth ayeer. Na le raan ye gam alanden lön ë yen raan ë Raan cï löc ku döc, ke cöl atak kë looi yic apath, rin yok aa kóc Raan cï löc ku döc aya cïmënde. ⁸Yen aci guöp ye yär tē cök yen jïem kanhiaam riel cï Bëny gäm yo. Riel cï gäm yo ee riel bi yok gam cök piny ku cïi we rec. ⁹Awiëc bäk cïi tak lön wïc yen ye ba we riääc athör ya gät we. ¹⁰Aye raan dët lueel, “Athör Paulo aaye göt ke thiek yiic, ku tē rëer yen ke yo ë köc ku wëlke aacie riel!” ¹¹Adhil raan kënë deet yic lön acïn kë wääc athör ya ke göt tē mec yen, kek kë ba looi tē ben yen dhuk tënë we.

¹²Acuk wïc buk röt thöññ kek kóc röt leec kamken ë röt. Acïn kë ñickë. Keek aa læc den thöññ kamken ë röt ke cie læc Nhialic. ¹³Këya, yok aaciï bi nhiam ku jïemku käk liu luoi cï gäm yo yic buk looi. Nhiaamda abi nhom pëk luoi cï Nhialic yiëk yo yic. Ku ala yic luoida yen loiku kamkun. ¹⁴Yok aaciï bi nhiam apeï cït tën bi yen ke rot luoci thïn tën këc yok bën tënë we, rin cï yok Wët Puöth Yam rin Raan cï löc ku döc bëï tënë we. ¹⁵Ku yok aacie nhiam luoi cï kóc kök looi. Kë yeku ñöñth ë lön bi gamdun rot juak rin bi luoida ë kamkun rot juak apeï ku thiëi piny. ¹⁶Ku buk lëu buk Wët Puöth Yam la lëk kóc bëï mec ke we, rin acuk wïc buk nhiam luoi cï Nhialic gäm kóc kök bik looi bëï kök yiic.

¹⁷Ku cït lön ye wël cï göt athör theer wël Nhialic yic ye lueel ëlä, “Raan wïc ye bi nhiam adhil nhiam rin Bëny.” ¹⁸Rin raan rot leec ë rot acie yen ye gam, ee raan ye Bëny leec.

Paulo ku kóc röt cöl aaye atuuc

11 Awiëc bäk kë ca wuöc guum, tē cï yen käñ duër kuc. Wek aa läñ bäk looi këya. ²Yen aye tiëel döm tē tiñ yen kóc kök ke wickë bik we muör, ku ë yen lön ë Nhialic aya. Wek aa cït nyen bim ca löc muony tök bi thiaak, yen Raan cï löc ku döc. ³Wek aa ñic anyiköl wäär duöññ këpiiny Eba ë pel nyinde. Yen ariöc lön bi wek ciët kënë. Wek aabi duöññ ku pälkë nhiërdun nhiëer wek Raan cï löc ku döc. ⁴Ayakë guo nhiaar ku gamkë tē biï raan dët bi we bën lëk Jethu dët cie yen Jethu cuk lëk we. Ku wek aa puöth miët ku täükë wenhiim piny ku gamkë wëi ku wët, käk cie Wëi ku Wët Puöth Yam wäär cuk lëk we.

⁵Aya tak lön köckä yakë ke tiñ ciët kek aa tuucdit, aaciï dit tënë ya acïn, ku acä ye tak lön aa tuuckun kä aa loi luoi path wër kek ya. ⁶Tëdë, yen akëc piöc ba ñiec ajam apath kóc nhiim, ku yen anjic kañ. Kënë aca nyuöth we käjuëc yiic ë dhöl juëc yiic.

⁷Wek aa kəc kaŋ thiëc bāk ya riop wäär lək yen we Wēt Puoth Yam ë Nhialic. Yen aci rot dhuök piny ku luöi ë path rin bi wek aa kœdit. Ye kërac yen ca looi? ⁸Tëwäär luui yen ë kamkun, yen a ya ye kœc akuut kœc kœk ci gam riop. Aake ya rum bi yen we bën kony. ⁹Ku wäär rëer yen kek we, acin raan ca rääm nhom bi ya kony. Miëthakäi ci gam wäär bö Mathedonia aaci keriëc ebën wiëc ke bëëi tënë ya. Acin kë ca kaŋ thiëc tënë we, ku yen acii rot bi kaŋ der weyiëth acin. ¹⁰Ku cit ëmën rëer yiny Raan ci lœc ku dœc kek ya, acin raan pan Akaya bä pëen ba cii jam kanhiaam këlä. ¹¹Të lueel yen ye lœn yen acii rot bi kaŋ der weyiëth, ke ye rin cii yen we nhia? Aŋic Nhialic lœn nhiaer yen we!

¹²Yen abi la tueŋ ke ya loi kë luöi ëmën, rin bi kœckä ciën kë ye kek nhiam, lœn ye kek luui cimënda aya. ¹³Kœckä aacie atuuc acin. Aa kœc wëŋ luoiden yic, ku loikë röt ciët ke ya atuuc Raan ci lœc ku dœc. ¹⁴Acin kë gëi kœc thïn! Na cœk a Bëny jakrœc ka loi rot bi ciët atuny nhial ë yer bëëi. ¹⁵Këya, acin këril tœ thïn tœ ye atuöccke röt cœl aaye atuuc luoi la cœk. Ku keek aabi awuœc thœŋ kek kækken loikë ke yœk aköldä.

Të ci Paulo guum thïn ke ye atuuc

¹⁶Aca lueel wäär ku aben ber yic, acä wic bi la raan ye tak lœn cïn yen kë ŋiœc. Ku na yakë tak lœn cïn yen nhom, ke we päl ya ba nhiam kækkiën ya lək we. ¹⁷Të ye yen rot leec këlä, ke yen ajam cimën raan cii kœŋ ŋic. Ku acie tœ wic Bëny ye thïn. ¹⁸Ku ëmën ye kœc kœk jam ë nhiam cit tœ ye kœc pinyinhom jiaem thïn, aba looi këlä aya. ¹⁹Wek aa ŋic kœŋ apei ku aŋot nhiarkë bāk wël kœc kuc kœŋ buœth yiic. ²⁰Wek aa wël raan we loony gam, raan kækkun cam, raan rot cœl aril ë we, raan nhiam rot tääu tueŋ raan na cœk we ŋuööt nyin, ka ŋot cïn kë mankë thïn. ²¹Yen aci guöp yär ba gam lœn yen akœc kækä looi.

Kë ye raan dët wic bi yenhom læc ye, ke yen alec ŋanhom ye aya. Yen ajam ëmën ciët ya kuc kœŋ. ²²Na yekë kuat Ibru, ke yen ë Ibru. Na yekë kœc Itharel, ke yen ë raan Itharel. Ku na yekë dhiënh Abaram, ke yen ë raan Abaram aya. ²³Ye kë kœc lui rin Raan ci lœc ku dœc? Yen ajam jam raan ci muöl, ku yen ë raan ë luoi ŋuëën tënë ke! Yen aci luui luoidit apei tënë ke. Ku yen aci mac arak juëc tënë ke. Ku yen aci that thändit apei tënë ke, ku duër thou arak juëc. ²⁴Yen aci that waat thiärdiäk ku dhoŋuan arak dhiëc kœc Judeo. ²⁵Ku kœc Roma aaci ya that arak diäk atuel. Ku biöök ya aleel arak tök. Ku riäi ëci riääk wiir arak diäk ke ya wëer thïn. Ku arak tök, yen aca aköl ku wëer thöl wiir. ²⁶Ku akööl kœk cäthdië yic, yen aci rœm kek kækjuëc kœc nœk. Ku duër mou wër yiic, ku duër cuër ya rum. Ku duër kœckiën Judeo ya nœk. Ku duër kœc cie kækkië ya nœk.



Ku luëñ yen tēyör pāny kōu ku kual rot (11:33)

Ku yök kāk kōc nōk geeth ku bëëi yiic ku Adëkdiet yic. Ku tēnē kōc rōt looi ke cīt kōc cī gam. ²⁷Yen ë ya ye luui apei ba guöp thiai ku cā ye nin aköldēt, yen ya ye cōk nōk ku rou. Ku yen ë lac rēer ke cīn miēth ku tē niin yen thīn. Ku yen ya ye rēer ya nēk wiir rin cīn yen alēth juēc ya kony ë wiir. ²⁸Ku kājuēc kōk acā luel, yen ë rēer ya tēk akōlakōl rin akuut kōc cī gam ëbēn. ²⁹Tē niōp raan gam yic, ke yen ë rot yök ya niōp aya. Ku tē cōl raan raan dēt aloi adumuōm, ke yen ë rēer ya rem puōu apei.

³⁰Na le kē cōl yen ajam ë nhiaam, ka kāk ye nyooth lōn yen aciī ril. ³¹Añic Nhialic, Wun Bēny Jethu lōn cīi yen lueth yen luēel. Bī rienke aleec athær. ³²Wäär tō yen Damathkuth, bëny rēer ë Bēnyñaknhom Aretath cōk ë cā apuruuk ë geu tiit tōōu kal thok bīk ya dōm. ³³Ku yen aci bēn tāau alom yic, ku luëñ yen tēyör pāny kōu ku kual rot.

Paulo acie nhiam kāk cī nyuōth ye

12 Yen abī dhiel la tueñ ya jam ë nhiaam cōk alōn cīn yen kēpuōth ye yök thīn. Ku ëmēn yen abī jam kāk ca tiñ cī nyuōth ë Bēny. ²Añic ruōñn thiäär ku ñuan cī bar, raan cī gam ëcī jōt ku yēth tēmec apei pan Nhialic. Acā ñic ayic lōn ë yen guāpde ku lōn ye kek wēike

kek cī la nhial, ee Nhialic yen aṅic ye. ³⁻⁴Cimēn awēn cī yēn ye lueel, aṅic yen raan kēnē acī jat pan Nhialic. Ku aber yic, acā ṅic lōn ē yen guṅp ēbēn, tēdē ke ya abaṅ guṅp yen cī yāth pan Nhialic, ee Nhialic yen aṅic ye. Ku tēēn acī kāk cīi raan lēu bi ke kuany yiic yethok piṅ, kāk cīi pēēn bi ke cīi luel. ⁵Alēu ba jam ē nhiaam rin raan cīt kēnē, ku yēn acīi nhiam ē rienkiē, rin na luṅṅi kēya, ke pial yic diē. ⁶Na wiēc ba nhiam kēlā, ka cie lōn kuc yēn kāṅ rin ē yic yen aba lueel. Ku yēn acīi bī nhiam rin acā wic bī la raan ye tak lōn ṅic yēn kēriēēc ēbēn, ke cie kē cāk tiṅ ke luṅṅi tēdē ke lueel.

⁷Yēn acī nyuōth kājuēc, kēya yen acī yēn kēril ya tuṅm cīt kou bēn yōk. Acīt lōn cī atuny Bēny jakrēc bēn bā bēn that ku gēl yēn ba cīi nhiam. ⁸Yēn acī Bēny lōṅ arak diāk bi kē baṅ yēn nyaai. ⁹Ku acī bēn bēēr, “Ee dhēēṅdiē yen awiēc, rin riēldiē aye jal gam apei tē ṅic raan ye lōn cīi yen ril.” Kēya yēn amit puṅu ba nhiam wēt cī yēn ril rin bī yēn riel Raan cī lōc ku dōc ya tiit lōōny yaguṅp. ¹⁰Yēn ē puṅu miet tē cīi yēn ril, ku tē lēēt yēn, ku tē le yen kērēc cā yōk, ku tē guum yēn, ku yōk kārīl kōk rin Raan cī lōc ku dōc. Rin tē niṅp yēn ke yen ē riēldiē.

Paulo ē dieer kōc cī gam gen Korinth

¹¹Yēn ē ya cīt raan cīn kē ṅic wāār ē yēn yānhom lēc. Ku aa wek cā cōl alui cimēn raan cīn kē ṅic. Ku ṅuōt aa wek aa cā lēc ke. Cōk alōn ye yēn raan cie kuēēc nhom, ke yēn acīi tō ciēēn tēnē atuuckun yakē yōk ciēt kek ṅic kaṅ. ¹²Kāk raan nyuōth lōn ē yen atuuc cimēn kāk kōc gōi, ku kāk riel Nhialic nyuōth, aacī rōt looi ē kamkun amāāth-amāāth. ¹³Yēṅō ca looi rin akuut kōk kōc cī gam kēc looi ē rienkun, cie kē kēc yēn kuṅṅy wic tēnē we? Pālkē awuōc ca looi piny tēnē ya.

¹⁴Kēnē yen abī nēmdīē yic a diāk tēnē we ku acīn kē ba wic bī wek ya kony. Aa we nhīim wek aa wiēc ke, aacie wēēukun. Aacie mīth kek dhil kōc ke dhiēth ke muṅṅc, aa kōc ke dhiēth kek aadhil mīth muṅṅc. ¹⁵Yēn abī puṅu miet ba we gām kāṅ ēbēn ayī piērdiē. Na nhiaar we apeidit kēlā, ke nhiērdun tēnē ya bī kuur?

¹⁶Abāk gam lōn kēc yēn rot tāāu weyiēth. Ku abī raan dēt lueel lōn cī yēn wēt puōk kōu piny ku dēep we ē lueth. ¹⁷Ye kēdē, le raan ca tuōc we, le raan cī we la ruēēny ē rienkiē? ¹⁸Yēn acī Tito lōṅ bī la, ku cal wāmāāth dēt cī gam ala kek ye. Cī Tito we ruēēny. Cīi Tito ku yēn kē tō yopuōth ye looi ē dhēl tōṅ thōṅ?

¹⁹Tēdē ayakē tak tēthēer wāār lōn wic yōk ye ku buk rōt kony wenhīim. Acie tēde! Yōk aa jam cīt tē wic Raan cī lōc ku dōc ye buk jīēm thīn ke yō dēei Nhialic. Ku kāk yeku ke looi ēbēn māthkuan nhiarku ke, aaye looi rin bī we kony. ²⁰Yēn ariōc puṅu ciēt ba yōk ke tē

ye wek ke luui thïn cïi yen bï yuum puşu tē le yen bēn, ku tē ye yen ke luui thïn aciï we bï yuum puşth aya. Yen ē diēer ciēt ye agōth, ku tuōc ē puşu, ku nhiēr ē rot ku tiēl ku lēēt ku luōom ku nhiaam ku aliäap kek ba yök. ²Yen ē puşu riōc ciēt Nhialic ya luōōi bā cōl ayār guōp tē ben yen we la neem. Ku yen abï puşu löny rin kōc juēc aa ŋot ke kēc adumuōmken theer puşl, kāk bal cïi path.

Lēk ciēen

13 Kēnē, yen abï nēmdiē yic ya diäk tēnē we, “Ku kuat awuōc ye luēel raan guōp adhil a kēn cï kōc karou, tēde ke ye kōc juēc kaŋ tiŋ.” Cīt tē ye wēl cï gōt athōr theer wēl Nhialic ye luēel thïn. ²Wäär le yen we neem kēn ye nēm yic rou, yen aci kōc kārēc looi ku kuat raan dēt lēk bīk cïi ben la tueŋ ke loi kākka. Ku wek aa ben lēk ēmēn mec yen ke we. Tē ben yen la ka cīn raan kārēc looi ba puşl ke cā tēm awuōc. ³Abï kēnē dhiel nyooth tēnē we lōn yen ē jam rin Raan cï lōc ku dōc. Tē cōk yen we ka cïi bï niōp, abï riel apēi. ⁴Ee yic, ee cīn riel wäär piēt ye tim cï riīu kōu, ku ēmēn apīr riel Nhialic yic. Yok aa cīn riel ē rōt cīmēn wäär cīn Raan cï lōc ku dōc riel. Ku ēmēn cï yök ya tōk kek Raan cï lōc ku dōc, yök aabi la riel Nhialic tē luui yök kek we.

⁵Wiēkkē bāk yen them, dhielkē rōt them ē rōt ku abāk yök lōn Raan cï lōc ku dōc arēer kek we. Na cie kēya, ke wek aaci mää. ⁶Ku abāk yök aya lōn acie kārēc yen cuk looi wäär biï yök Wēt Puşth Yam tēnē we. ⁷Yok aa rōok rin cīn yen kārēc bāk looi, ku acie lōn wic yök ye buk rōt nyuōth ke yo ye atuuc path, yok aa rōok bï ya kēpath yen yakē looi cōk alōn ye yo tiŋ ke yo cï kuōc luui. ⁸Yok aa kēc Nhialic yiēk riel bï yok wēt ē yic rac, yok aaci yiēk riel bï yok yic yāth tueŋ. ⁹Cōk alōn kōc yok, ke yok aa puşth miet tē ril wek, ku yok aa rōok lōn bï wek rōt ben cōk. ¹⁰Kēya, yen agēt athōr kēnē ke ya mec tēnē we, rin na la yet ke ya cïi ben jam wēl rēc tēnē we ē riel cï Bēny gām ya, riel bï yen we cōl aala cōk gamdun yic, acie riel rēc yen we.

Muōth ciēen

¹¹Ku ēmēn miēthakāi, mietkē puşth. Yiēkkē wenhīim luoi la cōk, piēŋkē wēlkiē, yakē rōt piēŋ wēl ku rēerke ke dōr ē kamkun. Ku Nhialic ē nhiēr ku dōr gam abï rēer ke we.

¹²Miāthkē rōt ē kamkun muōth kōc cï gam. Kōc Nhialic ēbēn rēer ē tēn aa we muōth.

¹³Bï dhēēŋ Bānyda Jethu Krītho ku nhiēr Nhialic ku Wēike rēer ke we ēbēn.